


MEMORIA

20^o
18

LARROTXENE
KULTUR ETXEA





XXX. BIDEO ALDIA

2

018a urte arrakastatsua izan da Larrotxene Kultur Etxearentzat hango ikasleen lorpenei eskerrak. Larrotxeneko ikus-entzunezkoen ikastaroak erakusgai ederra dira lehendik ere, baina 2018an emendatu egin da parte-hartzaileen kopurua, eta ikasleek sortutako ikus-entzunezko materialek 22 aipamen eta sari jaso dituzte hala Espainiako nola nazioarteko lehiaketetan. Kultur Etxea talentuaren eta sormenaren mintegi eta habia da. Baina haren jarduna ez da horretan agortzen.

Gizarte-dinamizaziorako musika-jarduerak eta haurrentzako antzerki-programazio ondo aukeratuak topagune bihurtu dute auzotarrentzat, eta kultur pizgarri belaunaldi guztientzat.

Erabiltzaileak ekinean jartzen dituen kulturgunea da, beraz; beste ingurune batzuetara hedatzeko modukoa.

Larrotxene Bideo aski ezaguna da hirian izen bereko Kultur Etxearen

bitartez eskaintzen den zerbitzuari esker. Zerbitzuak adar ezberdinak ditu: grabazio eta editai lanetarako material lagapena, proiektu berrietarako aholkularitza zerbitzua eta bideo eta zine ikastaroen eskaintza eta horien praktiken filmazioa. Eta praktika horien emaitza erakusteko erabiltzen den plataforma, berriz, **Bideoaldia** da.

Aurtengoa **XXX. Bideoaldia** izan da eta ekainaren amaieran, urtero legez, Antzoki Zaharrean bildu ginen kurtsoan zehar egindako hamaika produkzio eta beste hainbat koprodukzio ikusteko; eta irailean berriz Trueban izan ginen **Donostiako 65. Zinemaldiaren** barneko programazioan parte hartuz.

Baina 30 urte eztirela urtero betetzen eta aurtengo edizioa oso berezia izan da. Izan ere, Antzoki Zaharrean, ohiko ikastaroetatik ateratako lanak eskaintzeaz gain, hainbat ikaslek urteurrena ospatzeko espresuki grabaturiko laburmetraia ikusteko aukera izan genuen. Ikusi gabea inon, guk egina, guretzat eta gure ikasle eta hurbilekoentzat. Opari polita izan da denontzat. LB30 da bere izena eta gure artxibategirako altxor preziatua izango da dudarik gabe.

Horretaz gain, eta produkzioa inoiz baino handiagoa izan zela kontuan izanik, bigarren emanaldi bat eskaini zuten; oraingo honetan Intxaurren Kultur Etxean. Eta bertan eskaini ziren Antzoki Zaharrean denbora mugak baldintzaturik tokia izan ez zuten hainbat lan.

Orohar, **Larrotxene Bideoaren** lanaren isla Donostiatik hasi eta nazioartera iristen da eta bere presentzia erakusteko hemen doaz hainbat pintzelkada, garrantzitsu eta esanguratsuak:



30. Bideoaldia, ekitaldia

Musikenerekin elkarlana: **Luis de Pablo** konpositoreari buruzko jardunaldien grabaketa eta muntaia gauzatu ziren Larrotxene Bideo-ko ikasleekin batera.

Larrotxene Bideoko ikasleen partehartze aipagarriak grabaketetan: batez ere, **Impact Hub**-en grabaketa Ulab metodologiei buruzko bideoan edota Hondarribiako Udal Liburutegian Marie Shelley 200 Urte Zatiak Josten zikloen bideoak egiten.

Begiradak, las otras miradas jaialdian, **Unai Guerraren** parteahartzea ikastetxe ezberdinetako ikasleekin zinemagintzari buruzko solasaldian.

Olatu Talka-rako pilulak: Larrotxene bideoko 11 ikasleen parte-hartzea Olatu Talkarako bideo promozionaletan, transmedia eginez. Lenguaiaren erabilpena nobedadea izan da aurtan eta onuragarria bi aldeentzat, ikasle zein antolatzaileentzat.

Eta azkenik, **Ikuska Pasaiaiko Badiako Nazioarteko Film Laburren Jaialdiak** Larrotxene Bideoren ibilbidea omendu zuen. Eta omenaldiaren egunean bertan Larrotxenen urte guzti hauetan egindako film labur aipagarrien ordubeteko proiektzioa eskaini zen. Esan behar da Trintxerpeko Alkateordetzaren areto nagusia bete egin zela eta, ondoren, Pablo Malo eta Unai Guerrarekin solasaldia egin zela.

Bestalde, **Bideo ikastaroek** gero eta harrera hobea dute eta urtetik urtera ikasleen kopurua gorantz doa eta egindako lanen emaitzak oso onak izaten ari dira, zenbait jaialdietan aukeratuak eta sarituak izaten ari direlarik. Urtean zehar 22 aipamen eta sari jaso dituzte estatu mailako eta nazioarteko hainbat jaialditan, hain zuzen ere.

Baina bada bideoaz gain Larrotxeneri izaera berezia ematen dioten hainbat jardura. Horien artean aipatzekoak dira **Lagunekin Kantari** egitasmoa

© Amaia Zabalo



Pantxoa Carrere

eta urritik martxora bitartean hilero larunbatez eskaintzen den formato txiki-kiko **haur antzerkia zikloa**, zeinearen baitan abenduaren 26an eskaini zen **Enaren kontuak** emanaldia, **Princeses Barbudes** konpainiaren eskutik.

Lagunekin Kantari programaren baitan, aurtan, **Patxi Saiz eta Pantxoa Carrere** musikariak bisitatu zuten Larrotxene; eta antolatzaile, parte hartzaile zein publikoak gozatu zuten jardura. Esan behar da, Larrotxene bete egin zela egunero eta egitasmo oso preziatua izan zela auzoan.

Bestelakoan, liburutegiak urteroko bisitari kopuruari eutsi zion eta mailaguen zerbitzua indartu eta hobetu egin zen. Baita haurrentzako liburuen gaineko ekitaldi bereziak antolatu ziren, auzoko hainbat eskoletako ikasleekin elkarlanean ere. Azkenik, ezin ahaztu urtean zehar eta auzoetako festekin batera antolatu zituzten **kale antzerkiak**, Intxaurrondon bertan eta baita Bidebietan ere.

JARDUERAK		
	KOPURUA	ERABILTZAILEAK
GUZTIRA	123	4.187
Antzerkia	10	759
Musika	4	283
Zinea	2	330
Bilerak eta elkarteen ekitaldiak	35	723
Liburutegiko jarduerak	72	2.092
ZERBITZUAK		
	BISITAK	
GUZTIRA	14.014	
Liburutegiko bisitariak	11.384	
Bideo Tailerra	2.630	

Prestakuntza **EMAKUMEAK**

	GUZTIRA		EUSKARAZ		GAZTELANIAZ	
	KOPURUA	ERABILTZAILEAK	KOPURUA	ERABILTZAILEAK	KOPURUA	ERABILTZAILEAK
GUZTIRA	28	335	14	215	14	120
2017/18 ikastaroak	18	207	8	127	10	80
2018/19 ikastaroak	10	128	6	88	4	40

Prestakuntza **GIZONAK**

	GUZTIRA		EUSKARAZ		GAZTELANIAZ	
	KOPURUA	ERABILTZAILEAK	KOPURUA	ERABILTZAILEAK	KOPURUA	ERABILTZAILEAK
GUZTIRA	28	131	14	51	14	80
2017/18 ikastaroak	18	91	8	30	10	61
2018/19 ikastaroak	10	40	6	21	4	19

BISITAK GUZTIRA: 29.384

IKASTAROEN ERABILTZAILEAK GUZTIRA: 466